

Premijeru Federacije Bosne i Hercegovine, gospodine Novaliću,

Potpredsjedniče Federacije Bosne i Hercegovine, gospodine Dunoviću,

Ekselencije,

Uvaženi gosti,

Dame i gospodo,

Velika mi je čast poželjeti vam svima dobrodošlicu večeras, kako bi skupa proslavili 83. rođendan njegovog veličanstva, japanskog cara Akihita. Njegovo veličanstvo, car Akihito je rođen 23. decembra 1933 godine, a ustoličen je 1989, kao 125-ti po redu japanski car.

Ove godine obilježavamo 20. godišnjicu diplomatskih odnosa Japana i BiH.

Na našem prošlom prijemu povodom Carevog rođendana sam rekao da planiram otvoriti novo poglavlje u bilateralnim odnosima Japana i BiH, u čast ovog jubileja. Ipak, ne mogu propustiti da kažem i sljedeće-ove godine je također i peta godišnjica od Velikog potresa u istočnom dijelu Japana. Situacija u područjima pogodjenim potresom se popravlja, ali će svakako trebati još određeno vrijeme za obnovu i potpuno zatvaranje nuklearne elektrane u Fukushima. Još jednom želim izraziti svoju iskrenu zahvalnost za pomoć i solidarnost koju su tom prilikom pokazali vlada i narod Bosne i Hercegovine.

Što se tiče događaja koji su obilježili 20 godišnjicu diplomatskih odnosa Japana i BiH, želio bih se kratko osvrnuti na njih. Ako budete željeli saznati više o tome, detalji se nalaze u brošuri koju je pripremila ambasada, a možete je naći na ulazu ove sale. U političkoj sferi, gospodin Nobuo Kishi, Državni ministar vanjskih poslova Japana je bio u službenoj posjeti BiH i susreo se s više vodećih političara ove zemlje. U ekonomskoj sferi, japanska poslovna misija je posjetila BiH, po prvi put ove godine. Nadam se da će ova posjeta inicirati neke konkretne investicije u BiH. Na kulturnom polju, Ambasada Japana je organizirala više kulturnih događaja, uključujući i koncert bubnjarskog benda "Ondekoza", uz sponzorstvo JTI, koji je zabilježio veliki uspjeh. Na polju razvojne pomoći tokom ove godine održana je ceremonija Primopredaje Projekta obnove

sportskog centra “Kantarevac” u Mostaru. Ceremonija primopredaje japanskih vozila nove generacije je takodjer realizirana prošlog mjeseca.

Retrospektivu japanske pomoći BiH možete naći u ranije pomenutoj brošuri ambasade, kao i pamfletu koji je izdala JICA.

Čvrste veze na polju kulture i sporta su takodjer zbližile Japan i BiH. Ponosan sam na tečaj japanskog jezika, koji je pokrenut prije 4 godine, u suradnji sa sarajevskim Univerzitetom i sada imamo skoro 100 studentata koji uče japanski jezik.

Na sportskom polju, dobro je poznato da je nacionalna legenda BiH, gospodin Ivica Osim, bio selektor japanske nogometne reprezentacije, a trenutno je gospodin Halilhodžić selektor našeg nacionalnog tima. Veliko mi je zadovoljstvo da je japanska vlada odlučila dodijeliti Orden izlazećeg sunca zlatnih zraka sa značkom gospodinu Osimu u ovoj godini za pamćenje. Nagrada se dodjeljuje kao priznanje za doprinos razvoju nogmeta u Japanu i promociju razumjevanja između dvije zemlje.

Kao što možda znate, Washoku, tradicionalna japanska kultura prehrane, je uvrštena na UNESCO-vu listu nematerijalne kulturne baštine. Mi danas izlažemo i služimo japanski sake, rižino vino, kao i japansku svježu rižu, koja je prikupljena tokom žetve ove jeseni i odmah dopremljena iz Japana. Želimo da ljudi u svijetu upoznaju ukusnu japansku rižu.

Koristeći ovu svježu japansku rižu, danas poslužujemo sushi koji je pripremio moj kuhar u rezidenciji. Nadam se da će vam se svidjeti.

Na kraju, želio bih pomenuti još nešto. Kao što možete vidjeti, više japanskih kompanija izlaže svoje najnovije proizvode. Sony i Panasonic prikazuju svoj 4K TV, Olympus prezentira svoju 4K platformu za operativne zahvate, dok Konica-Minolta prikazuje svoj multifunkcionalni printer.

Toyota, Shimadzu i Takeda će prikazati svoje promotivne video materijale.

Uživajte u njihovim najnovijim tehnološkim dostignućima.

Ekselencije, Uvaženi gosti, Dame i gospodo,

U ovoj posebnoj prilici, želim izraziti moje iskrene želje za dugovječnost njegovog Veličanstva, japanskog cara, kao i sreću i dalji prosperitet naroda BiH.

Molim vas dozvolite mi da predložim zdravicu s japanskim sakeom. Za one koji sada nemaju čašu sakea u ruci, molim vas probajte ga kasnije. Sake je poslužen u uglu sale.

A sada...molim vas pridružite mi se. Živjeli!!